



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071

Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২১ ফেব্রুয়ারি, ২০০৮

ভারতে বার্ড ফু মোকাবিলায় আরও মার্কিন অনুদান

কলকাতা -- ভারতে বার্ড ফু মোকাবিলায় আরও ৪৪ লক্ষ টাকা দেবে মার্কিন যুক্তরাষ্ট্র সরকার। কলকাতার মার্কিন কনসুলেট থেকে আজ এ কথা ঘোষণা করা হয়েছে। আন্তর্জাতিক উন্নয়ন সংক্রান্ত মার্কিন সংস্থার (ইউএসএআইডি) মাধ্যমে দেওয়া এই আর্থিক অনুদানের সাহায্যে কেন্দ্রীয় সরকার ও রাজ্য সরকারগুলিকে এভিয়ান ইনফ্লুয়েঞ্জা প্রতিরোধে সচেতনতা ও সংযোগ কর্মসূচী গড়ে তোলার ক্ষেত্রে প্রযুক্তিগত সহায়তা যোগানো হবে।

বার্ড ফু-র সাম্প্রতিক প্রাদুর্ভাবের পরিপ্রেক্ষিতে পশ্চিমবঙ্গ, বিহার, ঝাড়খন্ড, তামিলনাড়ু ও উত্তর প্রদেশের মতো ঝুঁকি-সম্পন্ন রাজ্যগুলি এই সাহায্যের আওতায় আসবে এবং এর লক্ষ্য হবে অনুন্নত পোলট্রি খামার ও পিছিয়ে পড়া শ্রেণীর মানুষকে এই রোগের বিপদ ও তার প্রতিরোধ সম্পর্কে ওয়াকিবহাল করে তোলা।

মরসুমি ইনফ্লুয়েঞ্জা, এভিয়ান ইনফ্লুয়েঞ্জা এবং মহামারী ঠেকাতে প্রয়োজনীয় প্রস্তুতি অবলম্বনের জন্য ভারত-মার্কিন যৌথ কর্মসূচীতে ২০০৭ আর্থিক বছরে মার্কিন যুক্তরাষ্ট্র সরকার প্রায় ৪৭ লক্ষ ডলার আর্থিক অনুদান দিয়েছে।

এভিয়ান ইনফ্লুয়েঞ্জার ব্যাপারে দেশ জুড়ে সংযোগ কৌশল কার্যকর করে তুলতে ইউনিসেফ, কেন্দ্রীয় ও রাজ্য সরকারগুলির সঙ্গে হাত মিলিয়ে কাজ করবে ইউএসএআইডি।
